

OMUKUETU

No. 4

April.

1954



EUUVICO LJOPASSA EKULU.

Euvico ndika olju uvicua ku Johannes Krysostomos. Oje okua li omubisofi mu Konstantinopol pecimbo ljomimvo 350 - 400. Okua kondjica shili omikalo omiunaji niihupe juupagani nokua kuaca oohepele nojo ja gongalele puje noongundu oonene. Aantu sho ja hokua okupulakena omauvico ge oje mu luku „Okana koshingoli.”

Kehe ngoka ha tila no e hoole Kalunga na njanjukilue oshituci shika oshiuana noshijelele! Ngele pe nomumati omudiginini, ne je menjanju ljomua gue noku mu hambelele! Ngele pe na ngoka a loloka kiilonga na njanjukilue odenari je! Ngele pe na ngoka a longo okuza kotundi jotango, na taambe ano ngashingeji ondjambi e ji longele! Ngele pe na ngoka a tameke potundi ontihamano, naje uo kaa ninge omuenjo omuunaji! Oshoka naje uo ina kanica sha. Ngele pe na ngoka a tegelele sigo otundi ontimugoji, ne je mo kee na nando uumbanda! Ngele pe na ngoka a aada otundi ontimulongo no jotango, kaa kale e nuumbanda omolu okutokelua kue! Oshoka Omua nguka e nohoole; ota taamba omuhugunini ngashi a taamba no guotango.

Ota njanjukilua omulumentu guotundi ontimulongo no jotango, ngashi a njanjukilua ngoka a diginine iilonga okuza kotundi jotango. Ota silohenda omuhugunini, ngashi ta pe guotango ondjambi je. Na nguka na ngujaka ote mu pe okesilohenda lje.

Oje ota taamba iilonga no ta panda omaiuvaneno. Ota simaneke oshilonga no ta pandula ehala euanaua. Onkee ano ileni amuhe mu je menjanju ljomua gueni! Nane jotango na jalue uo, njanjukilueni ondjambi jeni! Aajamba ngashi aatokele, ileni mu dane pamue! Omboka mua lolodua kiilonga nane mboka inamu lolodua, njanjukueni esiku ndika! Oshililo shu uuda iikulja iitoje, ikuticeni ano najo! Iikulja oja guana; puua kale ngoka ta zi po a sondjala! Njanjukilueni oshituci sheitaalo! Njanjukilueni euudo ljesilohenda!

Inapa kala ngoka ta lilile oluhepo lue, oshoka oshilonga shetueni osha holoka. Inapa kala ngoka ta jematele shoka e shikanica, oshoka esindano olja zi mombila. Inapa kala ngoka a tila eso, oshoka tua mangu-lulua okeso ljomukulili! Kristus okua jumuka, noombepo oombuinaji oda hanagulua. Kristus okua jumuka, naajengeli taa njanjukua. Kristus okua jumuka, nomuenjo gu nepangelo.”

Johannes Krysostomos.

IIKAHA JA JESUS.

Esiku ndjo ongundu jaantu mbe ja fala Jesus je ke mu dipage. No manga taa ji luo ku Golgata, na ngame uo nda fa nde mu landula. Nda tal' oongodi dokiikesho je da, manga Omua guandj' omuhoolike.

Iikaha ja li haji aaluda,
iikaha ja li haji fudica,
iikaha ja li po ji jakule,
jo jaa na mpoka ji ilongele,
oshike je ji tal' iitilici,
sho je ji mbambalele koshiti?

Iikaha moka mua ziipalua,
iikaha mbjoka taji jumuda,
iikaha moka mu nedimopo,
iikaha mbjoka ju uud' ejambeko,
to vulu ngiini u ji uulule,
sho je ku kongo ji ku aalude?

Iikaha ja Jesus ju uululua ndje ji li po nangoje uo u kulilue. Kutse tuu mba Jesus te ji ganeke ji tu koleke jo ji tu hupice.

Albert Orsborn.

EGALIKANO LJOPASSA.

Kalunga Omunamapangelo agehe, Tate jetu jomegulu! Aakriste ajehe jokombanda jevi otaa hambelele pamue naajengeli aajapuki omolu esindano ljejumuko ljomuuoje, Omukulili guetu Jesus Kristus. Onkee natse uo tua hala tu ku hambelele, Tate gualuhe, sho ua jumuda kuusi Omuuoje omuhoolike okeadimo ljoje, ngashi kua li a gandjua mokusa okeuuo ljoje. Tu kuaca okesilohenda ljoje, opo oshilonga shika she-silohenda ljoje shi tu kuace uo shili.

Omua Jesus Kristus, Omukuaniilua guomuenjo, ongoka ua jugu aaua jomilema omatati gauo no ue ja tula pontundulu, sho ue ja sindi nesindano ljonkalo; holola esindano ndika ljoje nomoomuenjo detu uo. Ngashi ua gandjelua omajonagulo getu noua jumudilua uujuuki uetu, osho tu kuaca okoonkondo deso nodejumuko ljoje tu se mo muulunde tse tu longele uujuuki. Tilila mutse omuenjo guoje, opo tuua ikalele tse jene, ihe tu ku kalele ngoka ue tu sile noue tu jumukile. Tu silohenda momauudigu agehe nomuunkundi auhe, tu dimbulule oonkondo dejumuko ljoje. Uuna omushigakano tagu tu cindi, nuulunde tau tu hepeke nomilema tadi tu kundukida, ila Omua Jesus u tu ihololele meadimo ljoje ljomegulu. Tu talaleka nuupopepi uoje u tu pe ombili joje. Tu diginina mombili ndjoka sigo pehulilo, opo nopecimbo ljo-kusa tu shi dimbulule, nkene ongoje u li po ejumuko nomuenjo, nkene ua sile, ihe tala, u nomuenjo sigo aluhe; no u niipatululo jeso no joshaa. Esiku enene ljejo ljoje nge tali cikana, ila Omua u shitulule omalutu ngaka getu ga shunduka ga fe olutu luoje luujelele. Tu pa enjanju ljopassa itali hulu po, una eso lja ninua nolja sindua sheke, no una tu li koshipala shoje pamue naajapuki ajehe aahogololua no tatu ku imbile ekandanga tuua nezimbuko e tatu ti:

Kalunga na hambelele, ongoka te tu pe esindano omolu Omua guetu Jesus Kristus!

Amen.



EIGIDO LJOMOMUSHIGAKANO.

„ - - Jesus okua igida mokule nokua ti: „Kalunga kandje, Kalunga kandje, oshike ue ekelehi ndje?”

Eigido ndika otali tukulukica omuenjo guomuntu komeho gomaigido agehe gi igidua muujuni. Ha molua shoka ashike sho lji igidua ku nguka kua li etegameno ljuujuni, ihe molua shoka uo, eigido ndika sho tali kuatele mo uuehame auhe, nokuaanetegameno akuhe nuuike auhe ua kala muujuni okuza ketameko ljauro. Icanekela to vulu okuua eigido ljaantu ajehe jomomapi agehe mboka kaje netegameno ihe uuehame auke, ongeigido limue. Eigido ljomomushigakano oljo tuu ndjoka.

Onke omushigakano tagu faneke tango tango omilema noshiponga oshinene. Esiku ljegeulukico kakua li nando omuntu gumue muujuni auhe, kui itaale Jesus Omunasaret. Ando oje kua li Kalunga, ando Kalunga a sa. Okadimbulukico ka Kalunga nkejaka oko eigido ljomomushigakano, tali ji muule sigo momasipa no moomongo.

Aantu ojendjijendji ohaa uvu ouala eigido ndika edigu - oje luete oshiponga ashike - oGolgota - ihe ohaa njengua okuhuma komeho. Ohaa cikama kebandja ljolukue luomutse ljezimbo ljauro jene no haa tala ouala nkene okuihoola kuaantu nuutondue uauo tau aalele oshili nohoole momushigakano. Ohaju uvu eigido ljaantu

KRISTUS OKUA JUMUKA!

Oje okua jumuka shili!

„Ngele Kristus ina jumudua nena eitaalo ljeni oljovaa, one nomu li natango muulunde ueni; nena na mboka ja koca mu Kristus oja kana. Otse ngele tui inekela Kristus omuujuni mbuka amuke, nena otse oohepelela tu vulike kaantu ajehe. - Ihe Kristus oje a jumudua shili oje omutango gua mboka ja koca mo.“ 1 Kor. 15:17-20.

1. Ngele Kristus ina jumudua.

Jesus Kristus sho kua lala mombila a sa, aalongua je oja guilua komilema kokoko da fa dijaka da kalele kombanda juulemeja, manga uujuni inau shitua.

Andola Kristus a kala muusi, ando egongalo lje inali dikua, naalanduli je inaa mona omuenjo omupe, neuuvico ljevangelij olja njengana.

Andola Kristu a kale natango mombila, ando tse otu na Kristus ngoka a siicua ohoni kaantu nokue ekeluahi ku Kalunga nokua kucua omaihokololo ge agehe.

Andola Kristus ina jumuka, ando uujuni u nokukala uaa nOmuhupici no u nokujonuka uaa netegameno ljokutegelela omukuaniilua te ja. Nena aantu oje nokuenda nondjila jauo momilema duusiku, sigo otaa puile muusiku ueiekeleyo ljaaluhe.

PEHA LJETU

Omukulili kue ji tu guanicile
Tua mono emangululo.
Tu hambeleleni tu ligolele!
Tu tjeni atuhe jaloo!

Ompito jegulu je egululua,
Megumbo tua pitikilua.
Ombinzi ja Jesus ja tilahilua.
Uujuni ua hanganicua.

Omukulili tatu ku hambelele,
No tatu ku simaneke!
Ongoje ua guana u hambelelue.
Nonena naluheluhe.

Omukuetu, oshike to muenene ngej'
Muulunde to tindile mo?
Muupagani za mo u ekelehi
Oonguo do da kulupa po.

Omuua e ku hala ta tegelele
Ongoje u galuke ko.
Muujuki ua Kristus u holamene
U mone ezalekeko.

Amuhe mua longa mua loloka po,
Ku ngame ne ileni mpa.
No tamu ka mona evululuko“
‘Sho Jesus a uuvaneka.
Mel. Siionin Kannel 408.
Onguediva 1. 7. 34.

J. Saukkonen

joomiljona noomiljona nke ji igida: Kalunga kandje, Kalunga kandje, „oshike ue ekelehi ndje. Ohaa tala okuaaitaala nuunkundi ualanduli ja Kristus - jongerki -. No haa ti: Kalunga a sa. Kaku na ue etegameno lja sha. -

Eeno shili. Kaku na ue etegameno lja sha. Oshoka aantu oje li dipaga.

Ihe elaka ljuukriste itali kuatele ouala shoka tashi longua kaantu, aue. Shoka shi nondilo osho shoka Kalunga te shi longo. Omuntu ta dipaga Kalunga - Kalunga ta hupica omuntu. Omuntu ta jono ashike no te shi fala keso, ihe ejonuko neso Kalunga ote li shitukica omuenjo netegameno epe.

Kalunga He okua uvu uo eigido ljuuehame ljomomushigakano. Oje okue li jamukula sho kua tumu esiku ljejumuko nomuenjo.

Eigido ljomomushigakano olji igidua oluindjilindji muujuni, oljo ndika: „Kalunga kandje, Kalunga kandje, oshike -

Naluhe eigido ndjoka sho lja zi momuenjo gua shili, olja jamukulua uo ku Kalunga. Nejamukulo lje oljo ndika aluhe: ejumuko nomuenjo.

Erkki Sarkama.


Otu nokuhaluka, ngele tatu diladila uujuni ua tja ngaaka ua gandjua mejonuko. Ouo ua peua ouala okadiladilo okudiladila oshilongo shomegulu, ihe otuu kala kokule nasho, sigo tau hulile mondjila jauo momilema.

2. Ihe Kristus oje a jumudua shili

Pamue na Kristus ngoka a jumudua uujuni oue etelua etegameno epe, uujelele uupe, omuenjo omupe nomutenja omupe. Uusiku oua hulu po, ehupico ljetu li li popepi natse. Ombila jaa omudimba oje etele omulunde etegameno nomukulilua esindano. Ejumuko lja Kristus oljo olucicija luejambeko alihe kaantu ajehe no kiishitua ajihe.

Andola Kristus a kala a sa, ando otse oohepelelela tu vulike kaantu ajehe. Ihe ngashingeji Kristus okua jumudua shili, onkee eitaalo ljetu olja kolelela, noondjo detu oda dimua po. Andola Kristus a kala a sa, ando ajehe mboka ja koca mu Kristus oja kana. Ihe ngashingeji Kristus okua jumudua shili, onkee ajehe mboka je li muje, otaa ka jumudua uo.

Oshilonga shejumuko lja Kristus inashi hulila megongalo ljetango. Nonena mokukala kuaantu je ohamu holoka onkondo di cike pu dijaka dopetameko. Omilungu daantu je otadi mu hambelele noonkondo kombanda jevi alihe. Eigandjo ljaantu joomiljona otali tu kumica, sho taa gandja oomuenjo dauo omolu evangeli.



OONGERKI DA SIMANA.

Oongerki detu dokOuambo odo oonshona. Oluhepo olue tu ciminike moku di tunga nolue tu imbi okutunga oongerki onene do bpalekua shili naua. Kiilongo oko di li.

Efano ljetu otali tu ulukile ongerki jimue joku Suomi. Oji li koshilando sha Tampere nkoka ku na ookuume ketumo ojendji. Nando ongerki ndjika kaji shi uo onene ji vule oonkuauo adihe, onkene tuu oja simana omolu etungo ljauro. Oja tungicua omamanja ga kola no ji nooshungo da tsa muule. Meni mongerki omu nomafano go opala ga fanekelua komakuma agehe. Efano, enene kombanda joaltari otali fanekke ejumuko ljaasi esiku lja hugunina.

Ihe aasuomi uo oja nik' oluhepo. Oja njengua okutunga oongerki da simana shili. Ngele to ji ku Duitsland, oto mono oongerki di nooshungo oondendeka di vule oojaart 170 muule. No ku Roma oku mongerki onene ji vule oongerki adihe muujuni. Ojo oja lukilua omujapostoli Petrus. Oja tungicua kaapaavi jonaale noja japulua omumvo 1626. Mongerki moka otamu guana aantu 30,000 oshita. Ngele to ji mo e to tala kombanda, ua fa ua tala kegulu, oshoka onduda oji li muule: oojaart 140 kombanda jolupale. Kombanda okua njolua oohapu dimue domOmbibeli. Opo di monike momoho gaantu, kehe ondanda oji nuule u vule omucika guomuntu. Oshinima shimue otashi tu nikic' oluhodi mongerki ji cike mpoka: elongelokalunga ljamo hali ningua aluhe pamukalo guakataliki, onkee evangeli lja jela inali uuvika mo.

UNAKE OTU NOKUDANA OPASSA?

Ope nuupu okudimbulukua esiku ljo-krisimesa, oshoka oljo aluhe eti 25 lja Desember. Ihe esiku ljopassa kali shi kudimbulukua ngaaka. Oljo ohali lunduluka kehe omumvo. Onkene tuu ohali uucua aluhe pamukalo gumue ague. Tango otaku kongua pehulilo lja Maart esiku, uuna omutenja nuusiku oja jelekana, kape na shimue shi vule oshikuauo. Esiku ndjoka ohali kala 21 lja Maart. Nena otaku tegelelue omuedi gu toke. Nge gua toka, osondaha taji landula ojo osondaha jopassa.

Aanandunge oje shi kujalula inima mbika ajihe, manga cimbo ljoljene inali cikana. Mpaka otamu mono omasiku gopassa moomvula doka tadi ke ja, Kalunga nge te shi pitike:

1955	10 lja April	1960	17 lja April
1956	1 lja April	1961	2 lja April
1957	21 lja April	1962	22 lja April
1958	6 lja April	1963	14 lja April
1959	29 lja Maart	1964	29 lja Maart

Nelaka ndjoka ljejumuko sho tali ikongele ompito sigo muule uomilema dokevi, oli noonkondo di cike peni? Ihe ajihe mbika ojo oonzapu doku tu hokololela Kristus, kutja oje a jumudua shili no ha longo natango.

R. E. Neighbour, D.D.

OUNJUNI TAU HAPULA SHIKE

Oshiponga shoshipahu mu Afrika j'Oushilo.

Elaka la dja ku Nairobi tali hokolola kutja oilemo inene joshipahu ja holoka keembinga neembinga domu Kenia no domu Tanganjika jok'Oumbangalantu. Oilemo jifike po 50 ja valua.

Eedila oda longifua okukondjifa oshipahu. Ovañu vomedila otava kala tava pombele oudio momepo oshipahu shi fje.

Omulongi omubantu moskola jovafita.

Omufitaongalo Thomas Mahlangu okua hovela oshilonga shaje shoulongi mofikola jovafitaongalo jomu' Stofberg. Tete okua li omuevangeli, opo a ka tuikila mofikola jovafitaongalo nokua ninga omufitaongalo, fiyo a ninga omulongi moskola jovafita. Moskola ojo jomu' Stofberg omu na jo ongodu jovaevangeliste. Thomas Mahlangu oku li po te va longo jo.

Omolu oshinima eshi, omubantu eshi a ninga omulongi uomofikola ji fike apa, oshifo shongerki jeembulu (Ned. Geref. Kerk) „Kerkbode” tashi popi ngaha:” Oshinima eshi hatu shi hafele. Oshinima shi li ngaha, omubantu e shi a tulua moshilonga shi fike apa, osho oshinima shipe mongerki jeembulu. Ndelene osho shi nokukala po nokuli. Eheni e li lokomeso oli li naa naa ngashi li nokukala po. Oshilonga shetu shetumo ngenge tashi ehene komesho mokati kovabantu, nena hatu pumbua shili ovalongi ovo va dja movabantu. No metekulo lofavitaongalo novaevangeliste otu li po hatu pumbua ekuafu lovabantu.”

Eengerki dopa'Luther domu' Suid - Afrika oda ning' omangela. Etumo lomu' Suomi jo oli li momangela ojo.

Mu Pretoria mua ningua oshiongalele

mu November 1953 sheengerki dopa' Luther domu' Suid Afrika omo mua ningua omangela jokukala kumue, di dule okukua-tafana moshilonga shetumo.

Eengerki odo di li momangela ei odedi: Etumo Ekualuther lomu' Amerika (The American Lutheran Mission), Etumo loku' Berlin (The Berlin Mission), Etumo l'Ongerki jomu' Sweden (The Church of Sweden Mission), Etumo lomu' Suomi (The Finnish Mission), Etumo lomu' Hermansburg (The Hermansburg Mission Society), Etumo lomu' Norwegia (The Norwegian Mission Society), Etumo lovanduishi olo hali longo m'Oushimba (The Rhenish Mission Society), Etumo l'Ongerki j'Ovamujina (The Moravian Church).

Omuvavu uovahongi ovanduisi ua hapupala m'Oushimba.

Pehovelo lomudo ovahongi vavali vomu' Rynse Sending pamue novakulukadi vavo va fika m'Oushimba. Konima joita ja huunina medu lovanduishi omua dja ovahongi ve fike po 32.

Ovañu ve fike po 9 ova pangulilua efjo omolu edipaoloundudu.

Medu lovashutu ovatokoli veendjovo ova pangulila ovalaule ve fike po 9 efjo, omukaiñu umue novalumeñu 8, omolu edipao loundudu. Omukaiñu ou kua ifana ovalumeñu venja va velule vati omulumeñu uaje ou kua li ta ji eeñguengu, Moku mu velula vati ve mu dipaa. Oshimu osha monika koshi jomamamanja. Eshi ve mu dipaa ova mu pola, ndele tava holeke oiñimbu jaje koshi jomamanja. Ovapolisi ova ninga eehani tava kongo ovadiñu ovo, fiyo ve va mona. Ovashutu vahapu nande va shiiva edipao eli, omolu ombada okutula eemepo da njata novadipai inave si holola

Paife oku nediladilo pu totue omango ojo tai kelele oundudu nomiti dauo.

Epapuduko momapja mahapu etumo.

Omukuluñutumi umue uomu' Norwegia okua hokolola eeñgundana tadi tu hafifa shili. Momapja mahapu etumo omu' Afrika omu nepapuduko. Moñuñu ja Madagaskar epapuduko ola ninga nokuli eedula tali longo. Mu India jo ovañu vahapu, nande inava uana okuifanua manga ovapapuduki, ova hovela okuehena ku Kristus. Ovañu ve li ngaha tava monika mongudu jovakuamuhamed jo. Ovakuamuhamed vahapu vati ova hovela okukonga eendjovo da Kalunga.

Oimati joshilonga shetumo.

Mu Afrika, moushiinda ua Abessinia, omu noshilongo edina lasho Eritrea. Ovakuluñu voshilongo osho eshi va hoololua momafiku aa, ovañu inava putuka havu va hoololua, ndelene ovo va kala meeskola detumo lovaevangeli va hoololua. Mepangelo lohilongo osho omu na paife ovakriste ovaevangeli vahapu.

Etumo l'Ongerki jomu' Sweden ola longu unene medu olo.

Israel.

Konima jetoto lohilongo sha Israel edu la Palestina ola hovela okujambuka shili neeñgono. Eefarama dipe hadi totua noilandonee neefabrika dipe hadi tungua. Emona lomoshilongo hali tane noinima ojo hai tumua koilongo haji hapupala.

Momudo ua ja ovaisrael va tuma (va landifa po) oimati oikefa ji fike po 5,300,000 koilongo. Momudo ua neudo ove nelalakaneno, va tume oikefa ji fike po 6,000,000 koilongo.

Onongo noudiinini ohau longo mumue oilongangumue.

JESUS AUIKE Iil 4:12

Omuaa Jesus okua guanica ajihe Tate Kalunga kua li e ji pumbua opo tse tu kulilue no tu diminue po oondjo detu, nge tatu itaale medina lje. Otse nge tua taamba Jesus, omuhupici, moomuenjo detu, nena otua tungila kombanda jomukanka ngoka gualuhe, oshoka Kalunga ota ti:

Kaku na ngoka ta dike omukanka gulue aaue oJesus auike 1 Kor 3:11 Jesus oje emanja ljekuvu moka ehupico alihe li li, Kalunga muene e li dike. Onke tse otu na okuitaala muje, noku itaala iilonga je jekulilo e ji longo. Tse katu na sha tatu shi longo, aaue, otse otu na okutaamba ouala Kristus oje a kale ajihe kutse.

Ekulilo olja longua lja pua, oshoka Kalunga ta ti:

Hamolu iilonga kuaa isimaneke nando gumue, Ef 2:9

Jesus okua sile aanandje pecimbo ljoopala Rom 5:6

Shaa ngoka ti itaale ta ningi omujuuki Hand 13:39

Ha niinima haji hulu po aaue 1 Petr 1: 18, 19 Okua humbata oondjo detu molutu lue 1 Petr 2:24

Otatü ti ngiini ano mpaka? Kalunga ngele te tu gama, olje ta tsondumbo natse? Ongoka ina hupica omuna gue muene, ihe okue mu gandja peha ljetueni atuheni, oje a kale ngiini ite tu pe ajihe paamue naje? Rom 8:31

Elaka etoje kutse atuhe oljo ndika: Opo mpoka pe nohoole - ha mpoka, tse sho tua li tu hoolo Kalunga, aue, oje okua li e tu hoolo tango, nokua tumu Omuana a ninge ofuto joondjo detu. 1 Joh 4:10

Onke ano, omukuetu, tu je komushigakano gua Kristus tu mone oonkondo dombinzi je moomuenjo detu okudima po oondjo noku tu pa elago ljokomuenjo.

Omushigakano gua Jesus gua longo tuu sha momuenjo guoje?

Timothy S. Namuhuja.



OHOOLE JA KUUME OMUDIGININI

Ohoole ojo oshinima sha pumba no sha fa kashi na shilonga kutse nando kehe omuntu a hala a kale e holike ihe tse otue shi tala sha fa oshinima shouala kaashi na shilonga

Ohoole ja pumba mutse aantu, ojendji katu shi shi natango kutja ohoole oshinima sha tja ngiini. Sha fa she tu holekua tuua shi mone nando shi li mokati ketu aluhe. Onda hala okutja ku ngoje tala u tale ohoole ndjoka joje nkene ue ji tseja ngoje muene okuhoola kuume koje guontumba. Ndi shi ou shi shi naa naa nkene

u mu hoolo nekuatacano ljeni naje enene. Ondi shi shi nomokati ketu omo je li mbo je na ookuumé kauo je ja hoolo shili. Naa ngoka e na kuume ke ondi shi shi kutja ina hala oku mu ningila uinaji ua sha, aue! Okua hala aluhe e mu longele uanaua, oshoka oku nohoole ndjoka taji mu ciminike a kale e hoolo omukuaauo. Ngele gumue ta longo shoka ka shi opalele ota ji kuje e te mu pukulula noku mu kumagida shili kutja: oshinima shoka ua ningi inashi opala, kashi shi oshuanaua. Olje guomutse a longo oshilonga sha tja ngeji shepukululo? Na ngoka e shi longo noku shi shi kutja ota vulu oku shi tsikila! Oje auike a longo oshilonga oshuanaua noshohoolo sho a galula omukuaauo nkoka a li a hala okuja ko. Ohoole ndjoka ja popiua mpaka oja hala oku tu hokololela noku tu ulukila ashike, ohoole ndjoka ja kuume omudiginini, ojo ohoole ja Jesus. Natu tale ohole je mpoka ji cike!

Ohoole ja Jesus onene shili, sho kui igandja mokusa omoluetu nena opo tuu mpoka tatu mono uukuume ua Jesus ua kola molu ohoole ndjoka je mu ciminike a kuluke kutse kombanda jevi. Ookuumé ajehe ja Jesus ohaa kala aluhe neendacano naje nokunjanjukilua muje. Mevangeli pa Johannes omo tatu uvu ohoole ja Jesus sho ta ti: „Ngashi Tate e hoolo ndje, osho na ngame ndi mu hoolo uo; kaleni mohoole jandje. Ngele tamu diginine iipango jandje, otamu kala mohoole jandje, ngashi ngame nda diginine iipango ja tate no tandi kala mohoole je. Mbika onde ji mu lombuele, enjanju ljangje li kale mune, nenjanju ljeni li ninge lja guanenena. Oshipango shandje oshika, mu hoolacane, nga ngame ndi mu hoolo. Kaku na ngoka e nohoole ji vule ja ngoka ta gandjele okuumé ke omuenjo gue. One ookuumé kandje, nge tamu ningi shono tandi shi mu lombuele.”

Tala, ombili nuukuume mbuka tu u na otau hulu itau kalelele, ouokacimbo kouala kombanda jevi. Ihe uukuume ua kola omu Jesus auike to u mono.

Mpaka ope na oombinga mbali. Adihe (Etsikilo kep. 4)

O K A A N D J E T U

Oshigambo 28. 2. 1954.
AALONGI AAKUETU AMUHE MO-
SHILONGA SHIKA OSHINENE!

Aakuluntu jetumo ljetu oju uca ndi ka tsikile oshilonga shika peha ljomukuetu Liina Lindstrom nguka ta ka fuda po manga ku Suomi.

Osho ngeji nda laleke aalongua jandje jom Ongandjera no nda tula mo mOshigambo.

Oshilonga shandje osho unene shokunjala oombapila di ili no di ili. Omo handi mono omadina geni, nani ojendji jomune ondi mu shi, naamuhe aalongi aakuetu nando jamue kandi mu shi manga.

Nda hala nokuhalelela tu uapeni okulonga tu neinekelacano, esimano lja Jesus Kristus li holoke na mpaka uo noshilongo she shi je mbala kutseni.

Omuua muene ne tu pe otseni atuheni uudiginini kehe esiku e tu adeni mokugaluka kue tu li miilonga muumpungu uetu.

Tandi mu kundile po nomakundilo gombili.

Nelago - Sylvi Kyllonen.

Oshigambo 28. 2. 1954.
KAALONGI MBOKA KAJE LI MO-
SHILONGA.

Ondu uvite eciminiko momuenjo guandje ndi mu njolele one amuhe mboka mui ikuca mo moshilonga. nenge mue shi kucua. Mokuleshalesha oombapila moka omadina gaalongi ga holoka, nda dimbulula nkene ojendji jomaalongi je li palue kaje li moshilonga shopaicano lja Kalunga.

Galuka omukuetu, oshoka Omuaa Jesus te ku taamba. Konga edimo po ljoondjo, pamue Omuene guoshilonga a hala oku ku inekela noku ku pa isheue ompito jokulonga mepja lje. Moohapu da Kalunga tamu tiua., Ihe kumagidacani masiku agehe manga taku tiua nena, kuaa kale nando gumue guomune ti ikukutike a fundjalekua kuulunde, oshoka otse tua ningi aakuaa ja Kristus, nge tatu diginine sigo ehulilo einekelo ngashi tua tamekeni." Hebr. 3:13-14.

Nomakundilo gombili
Nelago - Sylvi Kyllonen.

I K U M I C A

iinene je tu kumica eti 18.2. 1954. Aantu nomuana gosheeli Andreas Alugodi na Aksel ja Andreas, ja sile momeja esiku tuu ndjoka. Omagumbo gauo oge li mepja limue, omumatisamane a zi kegumbo lje noku ka pitula he ja je kiiijale jauo. Konima jepja ljaou oku na okacima kuudilila omeja ke li mokadija, omuko mokati komeja omu na iijale itatu ja tegua. Omumati a jululula iijale momeja sigo a mana he manga e li komunkulo, oja ji e taa cikama poontuni dokacima, taa tula okambago kauo nekopi pooha doontuni e taji ihula omizalo dauo e taa nukile momeja. Mpaka otatu ti oja adika ja kolua oshoka momeja oja ji mo ngashi haa jogo mo shito ontente, oompadi dauo okunukila momeja odo da hugunina okukala muujuni; onkatu ontijali inaa vula ue oku ji katuka jojene oja katukicua kaamatilela jaali. Tomas Ekandjo na Josef Petus Ngalagombe je ja kuca mo momeja, ihe inashi kuaca ue sha ja ningi aasilelela. Aashiinda naakuauo nookuume tua gongalele omidimba, tua tala, tua lili, nokukumua, tua tojo omakana, tua tsu mazima guucigua.

Ongula kua shi, omidimba da falua keha lja longekidilua aasi li li pepi nenongelo ljlhongo. Omuntu nomuana ja fumvikua moshilambo shimue. Peendo pua cikama aacindikili je cike 105. - Oombaka ka kua li je shi shi esiku ljaou ljoku za muujuni. Ljoje?

Onke taku tiua: Longekida egumbo ljoje oshoka oto si. Jes 38:1

J. Leonard Manasse Onjaanja.

OSHIKE SHA NINGUA KOKALOKO?.

Aandongo ohatu pulacana: Oshike sha ningua ko? - Ngoka a zi kuua ua muene guoshilongo ihe eciaa ina puluapulua: Oshike sha ningua ko? - Inaku mangua jamue?

Omumbala gumue sho a monika pooha doshinjangangido nokua pulua ngeji pashindonga; Okua hokolola oonkundana doshilo ngo do pomasiku ngaka a ti:

Oongundu daamboka ja dipaga po iijaale da gongelua mOkaloko. Omukuanilua okua ti naa leshelue Epistoli kaaroma c. tc-polua 13 ooverse dimue petameko. Sho pua galikanua, omukuanilua okua ti: Epangelo inali zala egongamuele ouala; oshoka oljo omujakuli gua Kalunga okugeela mboka taa jono. Amuhe mboka mua dipaga po iijaale mOndonga omua jono; oshoka omu shi shi oshi indikua, onke ano kehe ngoka a dipaga po oshaale oku nokugeelua negeelo lje mu jeleka.

Ne omalenga kehe ngoka u nokufuta oongombe mbali 2.

Aalumentu jalue, kehe u nokufuta ongombe jimue 1.

Aakulukadi juugumbo, shaa ngoka okatana ka toja 1.

Ne aagundjuka amuhe mu nokudengua omapokolo oshoka ngame ondi hoole evuliko komeho geliko. Niicindi mbjoka jijaale inaji kala ue taji lili ja cikama, ji fulii mo, evi li jelekane naua. - Kehe ngoka ta dengua ondi nokukala po muene, ndi jeleke uukolele ue nomuaalu guomapokolo.

Nani omumbala sho ta hokolola ngeji, oshinjangangido oshi mu uvite oshoka omakende oge eguluka. Oshinjangangido osha lombuele ihe „Omukuetu:” Tsejicila aantu ajehe, no jokiilongo jilue, kutja; „Omuntu kehe na vulike kaapangeli mboka haje mu pangele. Oshoka epangelo alihe oljomu Kalunga; aapangeli mboka je li po, ojo ja tulua po ku Kalunga. Onke ano ongoka ta tindi okuvulika kepangelo, oje ta tsondumbo neuuco lja Kalunga; ihe omboka ja tsondumbo otaa ka geelua. Oshoka aanamapangelo kaje li po ja tilice mboka haa longo uuanaua, ihe omboka haa longo uuinaji. Ngele ano ua hala u kale ino tila epangelo, longa uuanaua, ongoje no to pandulua kuljo; oshoka oljo omujakuli gua Kalunga guoku ku popila. Ihe ngele to longo uuinaji; kaja ua tila; oshoka inali zala egongamuele ouala; oshoka oljo omujakuli gua Kalunga okugeela ngoka ta jono.”

Jaloo, omuene guoshilongo!



OMUKUETU, OSHIKE TO MATUKA NGEJI?
ONDA HALA NDI CIKE MBALA KEGUMBO NDI KA LESHE OKAMBO KANDJE KOPEKE!

A asitagongalo taatsejicilua kutja moshilandelomambo omu na ngashingeji omambo agehe noombapila adihe taje di pumbua moshinjangangongalo.

No ku ajehe otu na elaka ljenjanju. Oljo dika: Okambo okape ka holoka isheue edina ljako OKAMBO KOPEKE. Taka pula 1/-. Okambo haka taka paluca aakuluntu naagundjuka naanonu nokuli. Oku njolua ku Helen Murray no ka lundulua ku Eerw. Elias Pentti. - Ila nokuendelela okuilandela Okambo koje KOPEKE.

OONKUNDANA DOKOMUNDAU-NGILO.

Oovene vomikunda odo domeongalo lOmundaungilo va ningilua oshoongalele shavo, nefiku 6 la Januari 1954. Nda mona oovene vomikunda va hafa. Omufita okue va tukulila omahaulapa, va ka tule mongalo. Shaashi a hala oku va longa ongalo ojo, numbi ovakriste hava tula mo.

Oshiongalele shavo sha shuna mo konima jelongelokalunga. Ovalongi novaevangeliste tua li tua udafana naua, opo keshe a mone etumbulo olo ta popifa nalo ovasamane ovo.

Ongalo ojo jefiku lovapaani ja mona oimaliua i fike: £ 1. - . - .

Omuevangeliste Abraham Kandjibi a lesa Mat. 4:1-10. E va lombuela numbi Jesus a finda satana.

Omulongi Mika Jakob e va lombuela, etilo okutila Omuene ve li dimbulukue.

Omulongi Tomas Sikumue e va lombuela Kalunga, eshi a ninga edu oshipundi shoekemadi daje.

Omuevangeliste David Haufiku e va leshela Rom 13:1-4. Ndele a pukulula omalenga va kale nomikunda pahalo la Kalunga, ndele e va lombuela vaha tale ovalongi ava ve lji momikunda davo nomesho mai. Ngashi vamue tava ti otava njono omikunda.

Omulongi Paulus Nakale a popifa omalenga neendjovo edi:

„Kongeni Jehova manga ta monika.” E va kumaida ta ti: Ngenge mua hala mu ninge ovakulununi fijo omeulu, kongeni Jehova manga ta monika.

Omulongi Johannes Sipunda e va leshela Luk. 10:2,3. Omeso taa mono ojo tamu i mono oku nelao. Okua pukulula omalenga va lungame vaha holekue elao olo, ve li konge li ninge lavo.

Omufita ueongalo e va leshela eendjovo detumo Mark. 16:15. „Indeni nounjuni ause nje mu ka udifile ovasitua avese evangeli” omalenga va fatululilua nokutja ovasitua avese kua tiua, va udifilue evangeli na ava jo ve li momaumbo avo. No va lombuelua vaha kondjife Kalunga, nevangeli laje kali shi kukelelue. Oli neengono.

Ovanjasha vomeongalo va imba jo omaimbilo mahapu moshicngi omu.

oshiongi eshi osha li shiua unene. Oovene vomikunda va li va hafa unene eshi va fatululilua okukala kumue ngaha. Otua lja pamue navo meumbo oikulja jokolutu jo.

Ovakuetu, nani inatu dimbueni oovene vomikunda detu oku va ongela peendjovo da Kalunga.

Andreas Kanalelo

Ohoole

otadi ku pula no da hala u hogolole shimue ashike. Omukuetu ou uvite ngiini sho u na ookuume jaali, oua hala okulongela kuume kuujuni mbuka? Nenge oua hala okulongela kuume koje omudiginini, Jesus, nguka e ku sile nokue ku jumukile?

Tseni atuheni otu uvu elaka ndika ali ti: Jesus oje kuume koje, onke ano mpaka ongoje muene to pulua kuume koje olie ngo to mu longele, oje shi itaala kutja ngoje ou na kuume koje Jesus, nguka e ku kulile meso ljuulunde, mu longela ano.

Alarik Jason Auala.

Ondjovo ja Kristus

Omuene uetu Jesus Kristus kue tu fiila oshitja sha kola eshi jee ta ti: „Ame ohandi i ku Tate, ndele ohandaaluka ndi mu ile mu kale apa ame ndi li. Ndelene ava va hafifa Kristus noilonga javo. Omukuetu oilonga jetu oja hafifa tuu Ohamba Kristus, ile ojo ei tai kokele e handu laje kombada jedu.

Omukuetu efimbonkenda opo li li nena eli. Omuonelao ojotu ta dimbulukua oilonga jaje ii ndele te i efa. Opo a dalululue a ninge mupe, je a shive oku ka kamutumba pamue nOdjona ja Kalunga.

Johannes Aaron.